

La nosta classa blua a Sòcòà : pendent l'Ivèrn !!!

Que demorèm très dias a la mar : dimèrcs lo 2 de mars, dijaus lo 3 de març e divés lo 4 de març. Qu'avó ua bona idea lo regent, qu'avem avut aiga, aiga e aiga pendent tres dias. Lo tèmi de la classa blua qu'èra : « L'aiga » !

Totun tot que ns'agradè ! Preparar las maletas dab mamà : Hens la maleta que i a lo sac tà dromir, las bòtas, los docinons e lo vestit. Hens la maleta que i atanben culòtas, pantalons, camisetas, tricòts, caucetas, que i a tanben libes e sustot pastilhas.

Be son de mau pujar las maletas dinc a las crampas. Quant d'escalèrs !

Totas las crampas qu'an un petit nom. La crampa taus mainats de cp: shardinas. Que son sheis alavetz que son sarrats com shardinas. Las mainadas deu cp que son hens la crampa : cachalòts.

Lo noste regent qu'ei solet hens la crampa: requins.

La nosta ajuda-mairau qu'ei dens la crampa: balenas dab la petita seccion. Los mainats de mejana seccion que son dens la crampa : crancs.

L'auta ajuda-mairau qu'ei tota sola dens la crampa : daufins. Sarà, Maria, Salòmé e Elòisa que son dens la crampa :òrcas.

Abans de pescar que'ns passam un vestit jaune qui hè paura a la ploja. Que marcham hens lo sable e seus calhaus. Los calhaus verds que son hèra dangerós pr'amor qu'eslissam dessus.

A la mar que pescam hèra: coscolhas, crancs, escargòlhs de la mar e anemònas. Que hicam tot hens un herrat e que portam los animaues dinc a la sala de classa. Que hicam los animaues hens un gran aquarium. Qu'amassam tanben la polucion sus la plaja.

Tot ser que legem ua istuèra e qu'espiam las fòtos deu dia. Que hèm lusir los caishaus e après, abans de dromir que minjam pastilhas.

Finalament la nueit quasi tot lo monde que drom. Qu'èm estats : molhats, entecats e crevats mes qu'èm sustot estats hèra, hèra, hèra urós.

Quan ei qui tornam partir ?